

Buscando arma y droga..

Guardianan y cachonan a tene clean-up na KIA

ORANJESTAD.(AAN):

Relaciona cu sospecho den KIA cu aparentemente lo tin un plan pa huy, autoridad competente a ordena pa tene un accion relampago ayera mainta treman.

E accion a sorprende esnan cera den KIA ya cu a wordo usa diferente cacho pa listra den celnan.

Efecto esaki tabata tin segur ora cu lo a haya artefactonan --entre otro --traha pa detencionan, y cu tabata scondi.

Poco tempo pasa a wordo haya cierto cantidad di droga, y esaki caba a duna indicacion cu lo mester tin mas scondi.

Aña pasa a wordo teni un accion grandi den e instituto Envista cu mando di KIA lo tin sospecho cu posiblemente entre otro droga a drenta y cu den pasado lo a descubri hasta telefon celular, mas atencion a wordo poni riba seguridad.

Tambe gobierno a bay asina leu pa pone grupo special pa

controla tur local ta drenta y sali di KIA. Pero ta parece cu ainda tin buraco habri. Ayera ora cu e guardianan a listra hunto cu cachonan anti droga di Douane a tuma lugar un lantamento formal. Casi 100 preso a lanta contra guardianan.

Mando di e instituto mester a drenta den accion y a haci uso di escudo y uniform di combate, esta riot, pa por a domina e grupo grandi. Presonan a destrui pochi wc, luznan wasbak, mesa ping pong y tur local tabata na alcance y a usa esakinan pa manda riba e riot comando di KIA.

Mientrastanto a pone ministro di justicia na altura di e situacion cu por a sali for di man.

Mando Policial a pone su grupo specializa pa lantamento riba un alerta por si acaso riot comando di KIA no por a domina e situacion, nan lo actua mesora y cu mannan duro.

Posiblemente e deteni-

donan tantu local como estrahero a uni forza pa enfrenta e guardianan.

Pero na dado momento forma den grupo di 15 pa 20 homber fuertemente protega cu riot stick y riot shield guardianan a sa di restablece orden cu man duro.

Na grupo di 4 pa 5 detenido nan tabata wordo manda pa nan cel. Despues di basta ora henter e situacion tabata bao dominio di e guardianan.

E daño tabata enorme segun nos por a comprend

Te cu ayera tardi laat ainda e tubo di awa tabata core sin a drecha esaki.

Te asina leuw no a wordo reporta daño personal ni di banda di presonan tampoco guardianan

Pero despues di un aña a tene accion y ta problema so lo por spera e ora ey y esaki ta local a tuma lugar tambe.

Un lantamento cu no tabata falto mucho cu e por a sali for di man.

Segun OLA:

Ausencia di MEP den Parlamento ta un falta di respet pa nan doño di trabao cu ta pueblo di Aruba

ORANJESTAD (AAN): Dia 17 di December a tuma lugar tratamento di e presupuesto pa aña 1999 di e Ministerio di Transporte, Comunicacion, Utilidad y Deporte. E Minister di OLA Sr. Junior Croes, dunando contestanan al caso cu argumentacion na e hopi preguntanan haci, a demostra su sinceridad, capacidad y vision pa cu su Ministerio.

E mandatario a demostra cu apesar di ta apenas algun luna sinta riba e stoel di Minister, e ta completamente na altura di tur local ta pasando den su Ministerio y den Gobierno. No ta pa nada cu Minister Junior Croes a ricibi tanto elogio y aprecio di e miembronan di Parlamento presente na final di su alocucion. Tambe e mandatario a expresa di ta decepciona y di lamenta e ausencia di MEP den Parlamento pasobra ta hustamente su persona ta worde asina hopi critica y hasta acusa di corrupcion den proyectonan di su ministerio y awor cu MEP tin e oportunidad pa enfrenta Minister Junior Croes cara a cara cu nan acusacionnan, MEP ta scohe e caminda di mas facil esta di keda sin presenta den parlamento pa pafor sigui fulmina y insinua contra gobierno.

Lo mas lamentable den e caso aki ta cu nan ta keda sin presentanan alternativanan y solucionnan pero solamente ta critica destructivamente. E hecho cu MEP ta critica otro nan di ta cobra sin traha awor lo bay keda grandi den boca pasobra den e caso aki MEP mes ta haciendo local cu nan ta acusa otro inhustamente di ta haci. Y no ta pasobra bo ta

parlamentario esaki ta dunabo e derecho. Al contrario, ta abo como parlamentario mester duna ehempel na nos comunidad. Pueblo no ta ciego ni sordo. Pa e motibo aki tambe cu bo no por cobra nan placa sin traha p'e. Ta nos pueblo ta bo dunador di trabao.

Lo menos cu bo por haci ta duna respet na bo dunador di

trabao y presenta den Parlamento pa haci bo trabao debidamente manera Parlamento ta prescribi. MEP den Gobierno a malgasta placa pa despues tuma medidanan inhusto contra nos pueblo. Awor hasta den parlamento abiertamente y un biaha mas ta malgasta placa di pueblo. MEP ta cobra perc no ta traha p'e.

KIA=KETEL IN AKTIE!!

